

চিত্ত-প্রদীপ

সরলা বসু রায়

অতি-আধুনিক সাহিত্যভবন

৬-১বি, ঈশ্বর মিল লেন, কলিকাতা

অতি-আধুনিক সাহিত্য-ভবন
হ'তে 'চিত্ত-প্রদীপ' কবিতার
বই খানা কালিদাস মুখোপাধ্যায়
কর্তৃক প্রকাশিত হয়েছে।



১০, মদন গোপাল লেনের
এইচ, এম, প্রেস হ'তে
চন্দ্রমাধব বিশ্বাস কর্তৃক
'চিত্ত-প্রদীপ' মুদ্রিত হয়েছে।

বার আনা

চিত্ত-প্রদীপ
কলিকাতা ও মফঃস্বলের
সব বড় দোকানে
• পাওয়া যায়।

উৎসর্গ

চিত্তের চুম্ব যেই

বিস্তর চায় ।

“চিত্ত-প্রদীপ” সেই

“সুন্দর” পায় ।

চিত্ত-প্রদীপ

প্রথম সংস্করণ
শ্রাবণ, ১৩৪৮

গ্রন্থকারের নিবেদন—

'আজকাল কবিতার বই প্রকাশ করা রীতিমত দুঃসাহসের কাজ। কবিতার আদর সাধারণের মধ্যে নাই বলিলেই হয় এবং সেই কারণে সাধারণ পাঠাগারে কাব্য গ্রন্থের প্রবেশ প্রায় নিষিদ্ধ বলিয়া গণ্য হইয়াছে। এ বিষয়ে নিজ অভিজ্ঞতার কথাই লিখিতেছি। নামকরা কবিদের কবিতার বইও লাইব্রেরীতে চাহিয়া পাওয়া যায় না; "পাঠকেরা উহা পছন্দ করেন না, সেজন্য কবিতার বই লওয়া হয় না" এই কথা শুনিতে হয়। এরূপ অবস্থায় শ্রীযুত কালিদাস মুখোপাধ্যায় আমার কাব্য গ্রন্থ প্রকাশে আমায় উৎসাহিত করিয়াছেন; এজন্য তাঁহার নিকট আমি চিরকৃতজ্ঞ।

চিত্ত-প্রদীপ

চিত্ত-প্রদীপ

চিত্ত-প্রদীপ জ্বালি নিত্য আরতি তব,
বিত্ত দাও ঢালি অহুভূতি নব নব ।
গীতি ঝাঁর নিতি ছুঁয়ে চরণ-কমল,
পরম পুলকে মেলে মরমের দল ।
শরতের সোনা সবে ভরি দেয় বুক,
পরতে পরতে কার অপরূপ রূপ ।
ফাস্তনের মিতা সে-যে বরষার বঁধু,
আঁশ্বনের আখরেতে ঝাঁর নাম শুধু ।
সারাটী ভুবন ঘিরে নাচি নাচি ফিরে,
“আমারে পাইবে বঁধু নয়নের নীরে” ।
রোদন-সায়র কূলে বিছায়ে শয়ন,
বোধন আরতি তাই করি অহুখণ ।
ভরি দাও হৃদি তুমি নব নব রূপে,
মিলনের গধু ঝারে দিকে দিকে দিকে ॥

চিত্ত-প্রদীপ

সেই

মন ওরে বোঝ, কবি তো নোস্ ? কবির ঘরে বাস করা,
কবির ঘরের ছবির পরে ভুল্লিরে মন নাশকরা ।
ঝুল্লি রে মন নেশার দোলায় মেশার ভেলায় রে,
তুল্কি চালের ছন্দে সে কার মন্দ ভোলায় রে ।
মন ওরে মন বারিদ বরণ ছবির মানুষ চেন,
সন্ধ্যা সকাল নন্দতুলাল গন্ধ বুলায় কেন ?
দায় কোথা তোর কবি তো মোর যজ্ঞসেনার জাত,
উদয় পথে বারবে মাণিক সকাল তুপুর রাত । .
যায় যাবে যাক মনের সে ভাত বানের জলে ভেসে,
সন্ধ্যা সকাল থাকবি মাতাল জাতার কলেও হেসে ।
মন ওরে শোন্ আজগুবী কোন্ যাছুকরের গায়,
ধনকুবেরের বাজি ভোরের ভেল্কি লেগে যায় ।
শোন্ নারে তুই হাজার তারার মাঝের মণির হাসি,
গোন্ নারে আজ মজার রাজার সাঁঝের বাতির রাশি ।
দায় কিছু নেই মন ওরে “সেই” সেই তো সবে মালিক,
যায় যাবে “সেই” মধ্যেতে তুই বাঁচবি খানিক খানিক ।
ভয় কিরে তোরে আগু পাছু হোক না যতই উচু নীচু,
জয় করে যে আসবে কাছে ভাবনা করুক সেই যা কিছু ॥

সাফল্য

আজ নূপুরের নতুন সুরে করবেনা কি আসর মাত,
 রাত ছুপুরের গোপনপুরে ধরলে যেমন আমার হাত ?
 নাচনা বোনা বাজনা শোনা নাম না জানা আকুল ডাক,
 কাজনা জানা থাকনা নানা থাকের পরে ভরাও থাক ।
 গলাও তোমার নতুন সুরের শক্তিপুরের আসর খান,
 সরাও তোমার মানসসুরের মুক্তি পথের পাথর খান ।
 জপাও জপাও তোমায় ভজার ভক্তি জলের গর্জল গান,
 বাজাও বাজাও তোমার রাজার শাসন বোধের কম্পবান ।
 নাচাও মজার খুসীর দোলায় মজলিশের ঐ মাঝখানে,
 তোমার মনের রঙীন্ ফালুস শতেক রংয়ের নাচ জানে ।
 ভোমরা যখন গুণ গুণিয়ে পদূলতার মধুর লোভে,
 নোঙর তুলে তেপাস্তরের বনের পথেই ছুটল ঝাঁকে ।
 সেই ছোটনের ঝাঁটনেতে লোটন পায়ের পড়ল ছাপ,
 ছুটিয়ে দেলো মনের আলো লক্ষ ভাষার ঢালছি 'মাপ'
 আসর গেলো আসর গেলো বাসর-জাগা মধুর রাত,
 গোধুলির এই লগ্ন মাগে ধরতে সে কোন্ বধুর হাত ;
 মনের পাতায় জনের মাথায় আজ ছুপুরে ঠেকাঠেকি,
 প্রাণের খাতায় মনের কথায় স্বপ্ন বোনার লেখালেখি ।
 জাগলো লগন এই শুভখণ শুভ রাতের দেখাদেখি,
 মিষ্টি বরুক দৃষ্টি পথে, আসল এ ধন নয়তো মেকী ॥

আশা-পথে

ওগো আমার প্রতিফলের আশা পথের চাওয়া ।
আসবে কবে ? মিটিয়ে আমার সকল চাওয়া পাওয়া !
প্রতিদিনের সকল কাজে তোমার চরণ-নূপুর বাজে,
তোমার আমার মিলন নিকট ভাবতে পরাণ নাচে,
আসবে কবে আমার কাছে ?
(ওগো) সত্যিকারের বন্ধু আমার করবেনা তো হেলা,
ডাক দাওগো ছুটি আমি ভেঙ্গে মিছার খেলা
কবে, ওগো আর কতদিন থাকবে ভুলে তুমি ?
শ্রাস্ত আমার ক্রাস্ত হিয়া (কবে) পড়বে তুলে ঘুমি,
ওগো তোমার চরণ চুমি ।
তুমি দাওগো দেখা মরম-সখা কত দিন আর বাকি ?
পরাণ যে মোর প্রতিফলেই উঠছে তোমায় ডাকি ।
সকল দুঃখ স্ত্রের ব্যথা তোমার কোলে লুটিয়ে মাথা,
কবে হর্ষ ভরে গাইব ধীরে আমার জীবন-গাথা,
তোমার পায়ে লুটিয়ে মাথা ।
সত্যি তোমায় বলছি জেনো যাত্রা করেই বসে আছি,
সব কিছু কাজ শেষ করিয়ে যাত্রা করার সাজ পরেছি ।
তবে কেন দেরি আবার ঘনিয়ে আসে নিবিড় আধার,
নাচুক মরণ রক্ত-চরণ আমার চারি পাশে,
বসে আছি তোমার আশে ॥

যখন

তোমার চরণ-ধ্বনি যখন বাজে আমার কানে,
স্বর্গ মত ভরিয়া যায় গানে গানে গানে ।
সব পরমাণু নাচে “এসেছে সে এসেছে সে”
করবো কি-যে পাই না খুঁজে তোমার আসার টানে
যখন তোমার চরণধ্বনি বাজে আমার কাণে ॥

তোমার টানে সৃষ্টি আনে বৃষ্টি ধারার রোখ,
তোমার গানে ভরায় প্রাণে ব্যাকুলতা যোগ ।
লুকিয়ে থেকে নাও যে ডেকে তোমার কাছে,
আমার ‘আমি’ লয় হয়ে যায় তোমার মাঝে ।
তোমার চরণ-ধ্বনি যখন বাজে আমার কাণে ॥

ওগো ! তোমার আসার আশায় আশায়
ক্ষণ গনি-যে দিন কেটে যায় ।

আর তোমার ভালবাসা আমার

ভাসায় সকল টানে ।

তোমার চরণধ্বনি যখন বাজে আমার কাণে ॥

পরশ-মাখা সরস নেশায় সকল ব্যথা ভোলে,
তোমার আসার সময় হল, সময় হল বলে—
তোমার চরণ-ধ্বনি যখন বাজে আমার কাণে ।
তুমি গোপন-দানে ভরাও প্রাণে সকল চাওয়া,
ও সে প্রিয়কায়া পরশ-পাওয়া দক্ষিণ হাওয়া ।

চিত্ত-প্রদীপ

যখন তোমার বিনায়-বাঁশী "আসি ওগো আসি"
মন্দ মধুর গন্ধ ধারায় ছন্দে বেড়ায় ভাসি ।
তখন আমার 'আমি' লুটায় পথেই ভাঙি,
জীবন কাটি রয় যে শুধু "আগমনী" গানে ।

যখন তোমার চরণ ধ্বনি বাজে আমার কাণে

ভাবের ঘরে খুন

মুখ ফিরালে কেন আমার টুক্ স্মৃতিরই মুখ দেখা ।
বুক জুড়ানো দুখ ভুলানো সব স্মৃতির ঐ শেষ রেখা ॥
শতক আশার ফুলঝুরিতে একটা আশার কণা ।
তিলেক টুকুন দিতেও তোমার এতই কৃপণপণা ?
না হয় হল-ই কলা ষোল-ই না' হয় হল-ই টুক্,
এই অবেলায় না হয় মালায় ভরিয়ে দেওয়া বুক ॥
না' হয় আমার ছেলেখেলার নেইকো কিছুই মানে ।
তাই বলে কি ভেসে দেবে ভোল ফেরানো গানে ?
গাইতে রূমে নীরবতা চাইতে বসেও চূপ ।
তাইতে আজি বন্ধ হল বুক দেখানো মুখ ?
টুক্ স্মৃতিরি ডুব-সায়রে মন যে আজি উন্ননা ।
আজকে তোমার কৃপণতা শুনবো না গো শুনবো না ।
কেইবা তোমার চেয়ে ছিল হঠাৎ দেওয়া চুম্ব ?
তাই না আমায় করলো আজি ভাবের ঘরে খুন ॥

স্বপন

স্বপন ওগো, বপন করো কোন অজ্ঞানার গুণ-পনা ?
যখন যেমন কইলে কথা মনকে করে তুল্ধোনা ॥
বনুকে কর নগর তুমি নগর কর বীজবোনা ।
জনুকে কর মুঠায়-ধরা “ভুলবো না গো ভুলবো না ॥
স্বপন আমার স্বপন ওগো কোন্ মায়াবীর মন-বোনা ?

ঘুম ভাঙিয়ে দাও নাগিয়ে স্বর্গ হতে পাতালপথ ।
গুণ গুণিয়ে কাঁদতে দিয়েই কল্পলোকের পাঠাও রথ ।
ওগো ধন্য-করা যাদুকরের বন্দী করার ফন্দী কত ।
সন্ধি করার মায়াজালের গন্ধ গানে মাতায় শত ॥
স্বপন পারের বন্ধু ওগো, ছল শিখেছ কোথায় এত ?

স্বপন ওগো স্বপন আমার তোমার দয়ায় বাঁচি ।
যখন যেমন তখন তেমন কইছ কানে নাকি ॥
জনম মরণ এপার ওপার মাঝেতে গাও “আজি”
ওগো স্বর্গ লোকেও তোমায় খুঁজি মত লোকেও যাচি ।
মরণ বাঁচন খেলায় মোদের হও যে কানামাছি ॥

স্বপন ওগো, সোনার স্বপন প্রাণের গোপন সূত্র ।
ওগো তোমায় পেলে যাই যে ভুলে তীব্র দহন হুথ ।
স্বপন-ভাঙা জীবন যেন রতন-হারা শুষ্ক মুখ ।
বপন করে আশার আলো স্বপন পারের মায়ালোক ।
পরশ তোমার হরষ মাথা সব সূত্রে ভরায় বুক ॥

শ্রীপঞ্চমী

শ্রীপঞ্চমী দিনে কার চিহ্নের চিন্তার,

দিন যায় কই হায় আসলো ?

বীণ্ ঝাঁর বিঘ্নার ভিন্ধার চিন্‌বার

ক্ষীণ্ হাসি কই তাঁর ভাসলো ?

সাজলো নবনীপ মঞ্জর মঞ্জরী,

বাজলো বেগুরবে উচ্ছল আশাবরী

মুচ্ছল মন-মধুকর !

কোন্ জন্ আস্‌বার উচ্ছাসে বার বার

নিঃশ্বাস কাঁপে থর থর ।

আজকে কি আসবে বাগ্‌দেবী বাক্যে

বিঘ্নায় বিভ্রয় হাসতে ?

অজ্ঞান্ আন্ধারে খুরধার খড়্গ

মজ্জায় মজ্জায় নাশতে ।

সজ্জার সার ঝাঁর বাসন্তী রংদার

সংসার চায় সদা পদ-নখ-কণা তাঁর ;

শত কোটি মহিমায় বন্দে

পদে পদে ঝাঁর কৃপা কণা চায় ভক্তে

ছন্দে রূপ রস গন্ধে ।

প্রার্থনা শ্রীচরণে ব্যর্থতা এ জীবনে

আজ যেন শেষ হয়ে যায় ।

ছন্দে নাচে হোক নন্দন মধুলোক

চন্দ্রের জ্যোৎস্নার প্রায় ।

চিত্ত-প্রদীপ

মানবো না মাগো আর বন্ধের দুঃখ,
গান-বোনা দান যদি দাও মোরে মুখ্য ।
লক্ষ লক্ষ লক্ষ প্রণাম ।
বন্ধ পাতি মাগো চরণের তলে
ক্ষণতরে হয়ো না বাম ॥
জননী গো, এ জগতে আজি তব অর্চনা
বরণীয় সন্তান পূজছে ।
ঝরছে শত শত বরষার ধার মত
হর্ষের হাসি গান উপছে ।
ও চরণ দর্শন স্পর্শনে ধন্য
হতে চায় মাগো তোঁর নগন্যা কন্যা
আশীষের অনুকণা চায় ।
আসিবে মা ক্ষণে ক্ষণে মরমের মধু-বনে^১
অভিনব অনুভব ছায় ॥

রবীন্দ্র-বন্দনা

নিতি নিতি তব নব নব দানে,

পূর্ণ যদিও প্রাণ ।

তথাপি হে কবি ! বন্দিতে তোমা

সঙ্কোচে স্মিয়মান ॥

কতনা অযুত ভকত তোমা

কত অভিনব ছন্দে ।

নিত্য নিয়ত বন্দনা গাহে

নিখিলে পরমানন্দে ॥

কি আছে আমার বিশ্বকবিরে

দিয়ে অন্তর দৃষ্টি ।

মহিমা তাঁহার প্রকাশিবো

করি নূতন কাব্য সৃষ্টি ॥

আমি নগণ্য তৃণাদপি তৃণা

শ্রদ্ধা ভক্তি অর্ঘ্যে ।

তোমার চরণে অঞ্জলি দিতে

প্রেরণার সুখ গর্বে ।

হৃদি শতদল পুলকি ঝরিল

যে ছুঁটী পাপড়ি পাতা ।

চিরঞ্জী জন ধন্য হইল

তাই দিয়ে সাজি দাতা ॥

চিত্ত-প্রদীপ

ওগো সুন্দর পূজারী !
যুগে যুগে দিবে বিজয় মালা
যে পথেতে যাও দু'ধারি ॥
দীন বাঙলার গৌরব-রবি
ক্ষীণ বাঙ্গালীর উৎস ।
ক্ষণেকেরও তরে দাও ভুলাইয়ে
মোরা যে কতই নিঃস্ব ॥
কল্প-লোকের স্বর্গ ছায়ায়
কত শত হত ভাগ্য কায়ায়
আবরিত করি বাঁচায়েছে তব
অনুপম সুর সৃষ্টি ।
“তোমারি তুলনা তুমি” কর তাই
নিতি নব সূধা বৃষ্টি ॥
তোমার কিরণে সবুজ জীবনে
রামধনু লীলা খেলে ।
যে ভাবে যখন সাথী খোঁজে মন
সে ভাবে তোমায় মেলে ॥
ওগো শিশু ভোলানাথ !
অভূতপূর্ব সুবাসে তোমার
জগত করেছ মাত ॥
থাক সবুজের চোখে চিরবিস্ময়
চির রহস্যময় ।
দীন বাঙলার মণিকোঠা ভরি
গৌরব-খনি জয় ॥

চিত্ত-প্রদীপ

তোমাকে পাইয়া ধন্য বস
ওগো বাঙ্গালীর গব ।
তোমার কীর্তি-ময়ূখ মালায়
ঝল্কিত দিক্‌ সর্ব ॥
কভু শ্রদ্ধা ভক্তি স্নেহ প্রেম দিয়া
রচেছ মন্দাকিনী ।
কভু অশ্রু কণার ঢেউ খেলে পুনঃ
খণে খণে ছিনিমিনি ।
ওগো ও খেয়ালী ভরায়েছ ঝুলি
হাস্য বিলাপ স্বন্দে ।
মূচ্ছনা যায় আছ রাঙা পায়
মিশাইয়া নব ছন্দে ॥
নব নব রূপে নব নব ভাবে
নিত্য দিতেছ ধরা ।
স্বর্গ সভার শ্রেষ্ঠ কবি হে
মতেরো মনোহরা ।
দীন ধরাতল কিবা পারে বল
রাখিতে স্বরগ মান ॥
অকৃতী অধম ভকতের লহ
শ্রদ্ধা অর্ঘ্য দান ॥

মরম-মঞ্জু-মধু-বনে

এবা কোন্ মধুবন,
মশ্গুল হর্ষে ।

দিন্ ভোর মন্ পর
কোন্ মধু বর্ষে ?

বনের বিহঙ্গ
করে নানা রঙ্গ
গায় গান সঙ্কে ।

বিলকুল মন্দ
সেও মধু গন্ধ
দিলখুস্ অঙ্কে ॥

মন 'পর মধুকর,
নতন ছন্দে ।

শুণ শুণ ধরে স্বর
বর্গে ও গঙ্কে ॥

রুণু রুণু বুহু বুহু
মুকুলিত মন তনু
কোন্ মায়া মস্ত্রে !
পাপিয়া বা বুলবুল,
মন যেন চুলবুল,
স্বর খেলা বস্ত্রে ॥

চিত্ত-প্রদীপ

থাক্ থাক্ উছ আহা
কাল যাহা হবে তাহা
আজ নাহি ভাব্লে
একটা এ মধুনিশা
হারাওনা তার দিশা
এ' না হয় যাপ্লে ॥

আজকের চাঁদ একি
কালকেও থাকবে ?
হয়তো গো অমানিশা
রাহ্ সম গ্রাস্বে ॥

হয়তো তুমিই ওগো
কাল যাবে ফুরায়ে ।
রম্ রম্ চম্ চম্
একেবারে জুড়ায়ে ॥

আজকের কাজ যে,
মনে টেনে ডাকছে,
আনুমনা রাখ ।
সন্ধ্যায় ও সকালে
গান দিয়ে ভরালে
দূরে যাবে পাপ্ ॥

গান, শুধু গান-গান
নাই থাক যশ মান
নাই থাক অর্থ ।
নাই থাক ধরিতার

তৃণ সম কিছু তার
তবু নহে ব্যর্থ ॥
তবুও তবুও ওগো
হ'লেও নগ্ন ।
আজিকার মধু লুটি
হয়ে যাও ধন্য ॥

সীতার পাতাল প্রবেশ

সজলকালো আঁখি সরমভীতা, •
কোথা চলিয়াছ আজি জনক-সুতা ?
যে দিয়াছে শত ব্যথা শত অপমান,
তারি পদে শ্রদ্ধানত করিতে প্রণাম ?
তারি নামে তারি ধ্যানে দিবানিশি ভোর
জীবনে মরণে সেই তব চিত-চোর ।
দিবানিশি বারিভরা ছল ছল চোখ,
পুঞ্জীভূত মরি মরি বিশ্বের আলোক ।
আঁখি 'পরে আঁখি রাখি নির্নিমেঘ হীন
মৌন আরতি গাহে ধীরে হৃদি-বীণ ।
“জন্মে জন্মে রঘুনাথ হয়ো মোর স্বামী,
আর যেন নাহি কাঁদি দীর্ঘ দিবাযামী ।

চিত্ত-প্রদীপ

শত পরীক্ষায় আমি টলিবনা কতু,
জন্মে জন্মে রাম যেন হয় মোর প্রভু ।”
অয়ি নারি, শিরোমণি ত্রিদিব-বন্দিতা !
আজি এই আবাহন কিসের জানো তা ?
আজি তব প্রিয়তম দিবে শ্রেষ্ঠ বর,
জগতে সীতার নাম অক্ষয় অমর ।
যুগে যুগে পূজিবে যে সবে সীতা সতী,
ঘরে ঘরে হবে তবে মঙ্গল আরতি ।
যুগে যুগে জনমিয়া প্রিয়তম তরে,
সহিয়াছ শত ব্যথা বারে বারে বারে ।
মিলনের ক্ষণ আসে বিরহের পরে,
জন্মে জন্মে যুগে যুগে প্রিয়-হারা করে ।
ঐস এস ধীরে ধীরে রাঘব-বাহিতা,
স্বরগের মহিয়সী মরতের গীতা !
যুগের গৌরব-গাথা দুখের সাঙ্গনা,
রমণী জাতির গর্ব সিদ্ধির সাধনা ।
আজি তব জীবনের নহে তো দুদিন,
নয়নে নয়ন রাখি হৃদয়ে বিলীন ।
তোমার প্রেমের দানে পূর্ণ পতিপ্রাণ,
লহ লহ স্মৃতিস্মিতা আমার প্রণাম ॥

ফিরিয়ে থেকে মুখ

তুমি আমার ভালবেসে ফিরিয়ে থেকে মুখ,
দিও আমার তোমার দেওয়া মধুরতম দুখ ।
নিত্য নতন ব্যথার ঘায়ে
লুটিয়ে ফেলো তোমার পায়ে,
জুগিয়ে নেও পরের পরে তোমার ব্যথার দান ;
তোমার দানের বোঝায় আমার সফল কর প্রাণ ।

ভেঙ্গেই যদি পড়তে চাহে তোমার কঠিন বুক,
মন যদি চায় ক্ষণেক আমার দিতে তিলেক সুখ,
তবু তবু হে মোর প্রভু !
চাইনা আমি চাইনা কভু,
দ্বিধায় ভরা বিচার-করা ছটাক খানেক দান ।
দুখের পরে দুখের ছায়েই রেখো আমার মান ॥

তুমি আমার ভালবেসো মনের গোপন কোণে ।
চাইনা তোমার ওজন-করা মন-ভুলান ধনে ॥
চাই গো শুধু “মনে রাখা”
পাড়ির দিনে না হই একা,
পারের সাথী ব্যথার ব্যথী সেদিন তোমায় চাই ।
মনের কথা আজকে তোমায় জানিয়ে রাখি তাই ॥

চিত্ত-প্রদীপ

ওগো তুমি আমায় ভালবেসো না-বাসারই ভানে ।
এসো যেয়ো শতেক ছলে না থাক যাহার মানে ॥
বাঁ হাত তোমার জানতে না'রে,
ডান হাতে ধন দাও কাহারে,
নবীন রূপে দুখের সুখে দিলেই যখন ধরা ।
রঙিন ব্যথার রঙে আমার সফল কোরো মরা ॥

মনচোর

মরম-শ্রবণে পশিয়াছে বাণী
মরম-আখিতে রূপ ।
অস্তরে তব লভেছি পরশ
মুদু সুগন্ধ ধূপ ।
ওগো আর বল কিবা চাই ?
তোমার অমল প্রেমের বিভায়,
আলোকিত সব ঠাই ॥
প্রভু কে বলে গো তুমি নাই ?
মদনমোহন রূপেতে আমার
ভরিলে সকল ঠাই
অমৃত পরশে ধন্য হয়েছি
বিফলতা কিছু নাই ।

ধেয়ানের শেষে নিতি নববেশে
আসগো আঁখিতে তাই ॥
ওগো আজি এ' ভিক্ষা চাই,
ক্ষণেকেরও তরে মোহমায়া ঘোরে,
তোমারে না ভুলে যাই ॥
তব নাম স্মরি প্রেমময় হরি,
নিতি আঁখি জলে ভাসি ।
জনমে জনমে মনের মুকুরে
দেখা দিও ভালবাসি ॥
কুণ্ড কুণ্ড তব নূপুরের ধ্বনি
“রাধা রাধা” বেণু গান ।
আমার আমারে যুগে যুগে যেন
ভেঙ্গে করে খান্ খান্ খান্
খাকি নামের নেশায় ভোর,
(ওগো) যুগে যুগে আর জনমে জনমে
হয়ো মম মনচোর ॥

সুন্দর

“সুন্দর” নামে সেই বন্ধুর মনপুর,
দিন ভোর হানা দেই ঘুর, ঘুর, ঘুর, ঘুর ।
মস্তুর র’চি সদা দম্ দেওয়া পেশা যার,
মস্তুর গানে নাকি নেমে আসে বার বার ।
ধন্দর অবসান ছন্দর নাচ গান,
যার খুস্ম খেয়ালেতে করে সদা আন্‌চান্ ।
ওগো মন্দ যে নহে তার গন্ধ-বরণ রূপ,
জানি, তবু ক্ষণে ক্ষণে মন-সরে দেই ডুব্ ।
মতলব, গুনি নাকি পাষণেতে গাড়া দেহ,
ঢালি শত হাসা কাঁদা গলাতে পারে না কেহ ।
মালিক সবার সেই “সুন্দর” অনুপম,
তার মন ’পরে দাবি কতটুকু আছে মম ?
যাকে চাওয়া যাকে পাওয়া তুলনা বিহীন,
তার পদে মোর হৃদি হেঁছে কি লীন ?
তার হৃদি-কোণে মোর লেখা আছে নাম,
প্রতিটি পলকে ঢালি যাহাকে প্রণাম !
(ওগো) “সুন্দর” নামে সেই গুণধরে মন চাব,
পলকে পলকে প্রাণ লুটায় পড়ে যে পায় ।
গুণ যার কানে কানে মধুধারা বর্ষণ,
তুণ যার চুপে চুপে মন-মাটি কর্ষণ ।
প্রাণ যার নাম সুখে অবশ নিরুন্ম
চেতনা বিহীন, আনে মরণের ঘুম ॥

ধরলে যখন আমার হাত

আপনি এসে ধরলে হাত
এবার আগায় কে আর হারায়
দিনকে দেব করেই রাত
বিষাদ ভয়ের জন্ম যে হয় !
বিনাশ লয়ের কারখানায়
বিশাল মরুর ঈশান কোণে
তাহার রূপের রং ঘনায় ।
কবর ভেঙ্গে আটখানা,
ধূ ধূ মরুর নিরস তরুর
বিরস-ভরা মাটখানা ॥

এবার আমি তুচ্ছ গনি
আনুতে ফণীর মাথার মনি
সকল ভালো করব মাত ।
ধরলে যখন আমার হাত ॥
ভিড়বে তরী মানে মানে
ভরিয়ে বোঝা তোমার দানে,
ফিরবে ঘরে ঘর ছাড়া ঐ,
মনমরা ঐ মনের টানে ।
ভুললে যখন তাহার গানে ॥

চিত্ত-প্রদীপ

ধরলে যখন আমারে হাত ।
করলে খেয়াল মেঘের দেওয়াল
তোমার সাথে আমার সাথে ।
দাম বাড়ালো আবছা আড়াল
বাসছ ভালো ভালাগা ।
ক্ষণে ক্ষণে আসছ মনে,
মেঘের রথে ছড়িয়ে আভা ।
এবার আমার আর কে পায়,
তুলব পাহাড় আকাশ-গায় ।
তুলব মেঘের রং দোলায় ॥

তোমার হাতে মিললো হাত ।
সন্ধ্যা সকাল তোমার খেয়াল
রাখছ যখন করেই মাত ।
এবার আমার আর কে পায় ;
প্রসাদ ভেঙে গড়ব কুটীর,
আমার মূর্তির জোর তলায় ।
আশার শেষে ধরব ক'শে,
বসব হেসে খুসু খানায় ।
বিরাট তরুর মগ-ডালে ঐ,
আমার খুসীর দোলনাটায় ॥

চিত্ত-প্রদীপ

যখন আমি হাল ছেড়েছি,

• চোখ বুজেছি মেনে ।

বাঁচতে আমি চাইনা, নাশো

তোমার বজ্র হেনে ॥

তখন ওগো পরশমণি

ধন্য গনি ধন্য গনি,

আপনা হ'তে বাড়ায়ে হাত

তুললে আমার ধরে ।

তোমায় আমি পেলুম প্রভু—

আমারে আপন ঘণে

দেখতে আমি পেলুম তোমার

অভয় চরণ দু'টী ।

। তোমার বাণী তোমার পাণি

নিলাম সকল লুটি ॥

সব হারালে তোমার মেলে

বুঝিয়ে দিনে আজ ।

ত্রিভুবনে পড়ল ছেয়ে

তোমার বাণী-নাচ ॥

তাজমহল

অরি পতি-সোহাগিনি সতী মমতাজ !
কী মন্ত্রেতে বেঁধেছিলে জগতের রাজ ?
কোন বীণে বাঁধি তান গেয়েছিলে গান,
বে দান তোমারে দিল এই মহাদান ?
জগতের রাণী সে তো পরিচয় নয়,
পতির মানস-রাণি, এই তব জয় ।
তোমাদের দৌহাকার প্রেম ইতিহাসে
যুগে যুগে প্রেমিকেরা যাবে ভালবেসে ।
বিস্মিত শ্রদ্ধায় হবে তব পানে চেয়ে,
জগতের স্বজাতের বিজাতের মেয়ে ।
স্বামী তব লিখিয়াছে জগতের মাঝ,
জগতের শ্রেষ্ঠ নারী মোর মমতাজ ।
শ্রীমুখের মহাবাণী পাষণ ফলকে,
কীর্তির আধারেতে সতত ঝলকে ।
অতুলন পত্নীপ্রেমে আত্মহারা হিয়া,
রচেছেন তাজস্বপ্ন প্রেমমন্ত্র দিয়া ।
সৌভাগ্যের নাহি সীমা নারী-নিরোমনি,
লভেছিলে অতুলন রত্নময় খনি !
মরতের বুকে আছ হইয়া অমর,
অপূর্ব অদ্ভুত তব দয়িতের বর ।
সাজাহান হৃদয়ের প্রেম-শতদল,
মহিয়সী গরিয়সী হে তাজমহল !

চিত্ত-প্রদীপ

মনোমন্দির

সুন্দর দেবতার

মনোমন্দির ।

ধূপ ধূন্ চন্দন

বন্দন্ ধীর ॥

নন্দন নেমে আসে গন্ধে,

ক্রন্দন-হাসি ভাসে ছন্দে,

মন্ চায় মন্ চায়

মন্দির ফুল ।

গন্ধর গুণ যার

বন্ধুর তুল ॥

ছন্দর নাচে কোন্

নন্দহুলাল ।

সব ভোল্ সব ভোল্

গন্ধ বুলাল ॥

ধন্দর ধূলি ছায় হায় গো,

রত্নর দীপ ছায় চায় গো,

চাও চাও চাও শুধু

অশ্রুর আগে ।

সুন্দর চাহি নিতি

নব অরুরাগে ॥

সুন্দর বঁধুয়ার
বাজে মঞ্জীর ।
কুণ্, কুণ্, কুণ্, কুণ্,
ছন্দ গভীর ॥
শোন শোন কান পেতে গানটী
কোন্ মধুদান ?
অভিনব রূপে বলি
চুপে চুপে প্রাণ ॥

কবি

আমি কবি, আমি সৃষ্টি করিব নিজ মনজাই মত ।
স্বর্গ মত ত্রিভুবন জিনি ছুটিবে আমার রথ ।
আমার মনের নিরালায় গড়ে হিমালয় আর কি'বা নয় ?
আমার ধনের পরিমাপ করা ওগো সহজ ব্যাপার নয় ॥
আমার গানের সুর বুনে যাবে দূরবীণে দেখা দিকুপাল ।
আমার মনের শত সোপানেতে মাত করে আছ কোন্ কাল ॥
মোর ভালে আঁকা জয় রাজটীকা ছুয়ারে বিজয়রথ ।
ওর কাছে মোর কিবা প্রয়োজন ছুটাও অশ্ব বিরাট-পথ ॥
আজি বিশ্ব ভরিয়া শুধু যাব দিয়া মৃদু মৃদু গান গাহি ।
ত্যাঁজি ভীষ্মের মত সুবিধায় শত বন্ধুরপথ বাহি ॥

চিত্ত-প্রদীপ

আমি কবি—মোর কাব্যে নাচিবে সুরাসুর মেঘ লোক ।
আমি রচি জয় যা' হবার নয়, সাহারা সরস হোক ॥
আমি কবি—মোর দৃষ্টিতে ধরা সৃষ্টির যত মধুটুক ।
যা' না' হয় তাই আমি চেয়ে যাই তা' না' হলে ফাটে বুক
মানা সাথে মোর দ্বন্দ্ব যে ঘোর হানা দেওয়া পেয়া পরে ।
পরম গোপন মানবের মন চুপে চুপে ঘুরে মরে ॥
আমি গাই শোন, ঠিক নয় কোন এতদিন যাতে চলে ।
মন দিয়া যাহা ধরিতে পারনা তাই জানো যায় জলে ॥
দাম দিয়ে যদি প্রাণ পায় সুখ, দান নিলে কেন নয় ?
প্রাণ চেয়ে যদি মান বড় হয় গান চেয়ে কবি নয় ?
আমরা কবিরা বাণিজ্য করি সাত সাগরের সুধাজল,
আমরা যদিবা স্বামীত্ব মাগি সাগরা এই ধরাতল ?
কেবল কুথিবে যুগে যুগে যুগে কবিদের প্রণিপাত
আমরা রাতকে দিন করে দিয়ে দিনকে করি যে রাত ॥

তোমার পূজার বার খোঁজা

আজকে তোমার মনের পাতায়,
নাচব আমি গানের ভাষায়,
বা হবে মৃহল মুছনা ঘায়,

তোমার দানের সার বোঝা ।

আজ যে আমার তিথির পাতায়

তোমার পূজার বার খোঁজা ॥

গাইছি গো আজ থামি থামি,
পেলাম তোমায় মানি মানি,
তোমার গানের অভয় বাণী,

করলো আমার দিক সোজা ।

তোমার আমার মিলন সেতুর

আজ বিরহের দিক বোঁজা ॥

আজকে তোমার বৃকের বাসায়,
কাহার দুখের-মাগর ভাষায়,
অশ্রুকণার ঢেউয়ের মাথায়,

ভুলব না আর ভুলব না !

আজকে তোমায় মনের মায়ায়
রাখব না আর গোপন ছায়ায়
আজকে তোমায় ছড়াব হার

সাত ভুবনের সুর ছেয়ে ।

তোমায় আমায় আজ যাব হায়

উজান নদীর ধার বেয়ে ॥

ভাঙিওনা ঘুম

রোজ যে বলে শোবার কালে 'ভাঙিওনা ঘুম, ভাঙিও না' ।
বুঁজবে আঁখি রেখেও বাকি এবার তোমার গুণটানা ॥
ভোরের আলো সুরের ভালো সবুজ পাতার অবুঝ মন ।
ঘরে ঘরে জাগার পরেই বাঁচার যা' ঐ পরম ধন ॥
কাঁচার যাহা নাচার ধারা বাঁচার তরে আকুল মন ।
ওরে আমায় ভুলিয়ে দেরে গাইছি যে গান অক্ষুণ্ণ ॥
চাইনা সুখ দুখের মেলা থাকুক বেলা পাড়াও ঘুম ॥
যাইগো চলে যেথায় মেলে দরদ-মাথা বুকের খুন ॥
প্রভাত বেলাই বিষের জালায় করলে দেহ জর জর ।
কিসের তরে রাখছ ধরে প্রাণটা যখন মর মর ?
মানটা যখন তোমার পায়ে খুঁড়ছে মাথা অবিরত ।
বাঁচাও প্রভু এবার তোমার বিষের বাতি নিবিয়ে শত ॥
ব্যর্থ আকুল প্রার্থনায়ও রাতের পরে আসছে দিন ।
ঘুমের পরে জাগাও, ফিরে বাজাও ব্যথার রক্ত-বীণ ॥
গুনতে তুমি পাওনা কি হয় আবেদনের অক্ষপাত ?
গুনতে কেন হয় গো তবে একটা পরেও একটা রাত ?
খুন্ খেয়ালীর খেয়াল এত সইব না গো সইব না ।
পাষণ ওগো আসান কর বাঁচার নেশার সেই বোনা ?
দাও ক্ষমা, দাও গো চুমা জমার ঘরে ঝাপ টানা ।
খরচ খাতে ফেললে পরে বাঁচবে পরেও প্রাণখানা ॥
গাইবে মরণ বিশ্ব জুড়ে, বাঁচার কোনই নেইকো সুখ ।
শেষ মিনতি তোমার প্রতি চাইনা উষার দেখতে মুখ ॥

বহুরূপী

আন আমার দোয়াত কলম চাকি বেলন তারই সাথ ।
জান আমায়, সবেই মানায় যখন যেটায় ছোঁয়াই হাত ॥
থাকুক এখন খুস্তি হাতা খানিক পুরাই মনের পাতা ।
আজ যে আমায় সাজতে হবে প্রয়োজনের অধিক দাতা ॥
মিনিট ছুঁচার এদিক ওদিক হয়তো ক্ষতি নয়তো লাভ ।
আমায় যে আজ রাখতে হবে দৌহার সাথে নিবিড় ভাব ॥

গানও আমার চাই-ই বাঁধা পথের ধাঁধা করতে শেষ ।
দানও আমায় নিতেই হবে নাই বা থাকুক সুখের লেশ ॥
ব্যাকুল হিয়ার আকুল ডাকে খানিক খানিক তোমায় ডাকা ।
এই না আমার পথ ফুরাবার খেই না-পাবার বেঁচে থাকা ॥
মন বুঝাবার ছুঁচসুঁতা আর গান বুনিবার যন্ত্র চাকা ।
দিন গুনিবার হরেক রকম সিকের পরে রইল ঢাকা ॥

থামাও কথার জাল-বোনা গো মান বাড়ানোর নেইকো হাত ।
নামাও নামাও কাজের বোঝা একটা পরে একটা সাথ ॥
খাতার প্রতি পাতটি ভরাও রাতটিও নাও লুফে ধরে ।
দাতার আসন সবার বড় মরেও সে যে যায়না মরে ॥
আজকে আমায় ডাক দিল কে ছন্দমধুর মন্দ দোলায় ।
সাজতে হবে বহুরূপীর ছদ্মবেশের রূপের তলায় ॥

চিত্ত-প্রদীপ

জানাও অামায় ধরতে পারার স্কৌশলের কিস্তিমাং ।
বানাও অামায় বিশ্বয়ের ঐ স্বপ্নভরা দৃষ্টিপাং ॥
খামাও অামার থম্কানো গো চমকানোরই রক্তপাং ॥
জম্কানো এই আসর হবে নিমেষ পরেই ভূমিস্রাং ॥
দম্বো না আজ কোন মতেই করুব খেলায় বাজিমাং ।
পড়ল যখন তোমার আশীষ অঝোর ধারেই অকস্মাং ॥

মা

ওগো মা, মা, মা, মা, !
এই সুধামাথা নাম ব'লে মোর
আশ-যে মেটেনা ॥
কী সুধা এ নামেই মাথা গো—
মা যে অামার কী ;
সাদার ওপর টানলে কালির আঁচড়
উঠবে কি ফুটি ?
মা যে অামার কী, মা যে কতখানি,
যায় কি মুখে বলা ?
মা'য়ের অামার গুণের রাশি বলতে
রুদ্ধ হয় যে গলা ।
জগতে কি আছে কিছু দৃশ্য মধুর
অামার মা'য়ের চেয়ে ?

মায়ের চেয়ে হয়না বড় কেউ-ই
হয়না ছেলে মেয়ে ।
সবার চেয়ে ভালবাসি মা'কেই আমি
মা'য়ের স্মরণে ;
চিত্ত আমার রোমাঞ্চিত পরাণ পড়ে লুটে
মা'য়ের চরণে ।
মা ! আমার মা ! বড়ই অভাগিনী—
ভাবলে-যে হই সারা ;
মাগো তোমায় আমার পড়লে মনে
চক্ষে বহে ধারা ।
আজও তেমনি তোরে ভালবাসি মাগো
সেই শিশুকালের মত ;
কে বলে মা বড় হলে পরে
চায়না মা'কে তত ।
আমার তোকে চাই যে গো মা
চির-জীবন ধরে ।
ওমা জন্মে জন্মে যুগে যুগে
পারাপারের পরে ॥
মাগো ! মনে মনেই পূজে শুধু,—
অভাগা সন্তান ।
তোমার অগাধ স্নেহের কণামাত্র
দিইনা প্রতিদান ।
ওমা বড়ই পরাধীনা নারী জীবন
পরাণ যখন ছুটে ;

চিত্ত-প্রদীপ

দেহ তখন কঠিন বাঁধনে বাধা—
ঠিক থাকে তার খুঁটে ।
একাদশীর দিনে দেখলে খাণ্ড জল
প্রাণ যে ফেটে যায় ;
সারাদিনে সারা রাতেই মা গো—
প্রাণ করে হায় হায় !
বিদ্রোহী হয় মন যে আমার
শাস্ত্রকারের পরে ;
মনে মনে বলি “উচিৎ ছিল লেখা
নিজে পরথ করে” ।
কিন্তু মা গো এই মনে মনেই সবি
কাজের বেলা ফাঁকি ;
মনে-মনেই পূজি তোমায় মাগো’
মনে মনেই ডাকি ।
প্রতিদিনের প্রাতে আশীষ মাগি মাথে
তোমার শ্রীচরণে ।
মনোমাবে নিত্য পূজি ভক্তি-পুষ্প দিয়ে
প্রণমি মনে মনে ॥

দীপ্ত

লুপ্ত জগত আমার কাছে
দীপ্ত শুধু তুমি !
জগত পানে হৃদয় টানে
তোমার বাণী শুনি ।
তোমার চরণ-ধ্বনি সাথে
আমায় খুঁজে পাই,
তোমার স্মরণ-বাণী বাজে
আমার গানে তাই ।
মন দিয়ে তো পাইনা নাগাল,
গানদিয়ে তাই খুঁজি,
গানের বলে পাই যদি ঐ
চরণ-কমল পুঁজি ।
মানস-বনের পদ্যখানি
আসন ক'রে পাতি,
রই যে আমি জেগে প্রভু
রই যে সারা রাতি ।
বিশ্ব ভুবন লুপ্ত হউক
তোমার সেরা দানে,
জনম ভরে যাউক শুধু
তোমার গানে গানে ॥

লুণ্ঠন

আমি পাইনা খুঁজে মানে
সকাল সাঁঝে দিন ছুপুরে .

কে কথা কয় কানে ?

ও'সে দেয়না যখন দেখা,
তখন কয়না যেন কথা,
জয় না হলে বোঝে কি কেউ .

ভয়ের কত ব্যথা ?

আমি জানি, জানি, জানি,
আছে তাহার কোমল পাণি
করণ-ঝরা আঁধি ।

আবছা ভাসে হৃদ-আকাশে
যখন তখন থাকি ॥

ও সে আড়াল দিয়ে দূরে থাকা
নিকট হয়ে মনে রাখা
ভীষণতার ভয় ভাঙনে

অভয় চরণ দুটি ।

সে যে দিন ছুপুরে সাঁঝে সকালে
নিচ্ছে আমায় লুটি ॥

কোজাগরী লক্ষ্মী

কোজাগরী পুর্ণিমায়া, পদ-কোকনদ ছায়া,
শতকোটি সুষমার ঝর্ণা ।
জননীয়ে পূজিবার, কত ষোড়শোপচার,
ভকতের গিনতির ধর্ণা ॥
দিকে দিকে বালসায়, জ্যোৎস্নার রোশ্‌নাই,
শুভ্র রজত সূধাধারা ।
বীণে বীণে ওঠে গান, জননীর আবাহন.
হর্ষে প্রকৃতি আজি সারা ॥
স্বপনের সরোবরে, কাব্য-কমল ধরে,
চিত্ত-চরণ চাহি নাচে ।
ছন্দ লহরী হুলে, তোমার পূজার ফুলে
বন্দিতে পদতল যাচে ॥
প্রকৃতির মধু বুক, কানপেতে চুপে চুপে,
আনমনে নিরখিয়ে ইন্দু ।
নূপুরের ধ্বনি আশে, চেয়ে থাকি অনিমিষে,
বুকে ভাব কবিতার সিন্ধু ॥
ঐ বিন্দু মাণিক ঝরে, তোমার পূজার ঘরে,
তোমার বেদীর তলে গলিয়া ।
বুকের ঋধির ধারা, ঝরিছে আপনা হারা,
ও'চরণ দিবে বলি রাঙিয়া ॥
ধ্যান করি বার বার, এস শত মহিমার,
এস মাগো কোজাগর লক্ষ্মী ।

মরুমায়ী

চোখের নেশায় চলছি ভেসে

মরুভূমে চাই পানি ।

ঐ দেখা যায় সজল হাওয়ায়

মরীচিকা হাতছানি !

চলায় শুধু আশায় আশায়

চোখের নেশার বলে ।

হায় অভাগায় মরুমায়ায়

ফেলল এবার ছলে ॥

চোখের নেশা কাটবে যখন

বুকের ভূষা মিটবে কি ?

মনের পেষা দন্ধে মরা

ছিচ কাঁছনে কাঁসারই ॥

ঐ দেখা যায় চোখের মণি

ঐ'না আমার বুকের বল ?

না'—না-এ'নয় মায়ার খেলা

মরীচিকার নয়কো ছল ॥

আঁখির পাতে মনের সাথে

মরণ বাঁচন হাত ধরা ।

পথিক গুরে চলার পরে

আছে তোমার সব ভরা ॥

দৃষ্টি পরে জীবন ধরে

মিষ্টি করে ভাবী আশায় ।

বৃষ্টি বরুক মরুর পথে

তৃষ্ণা মিটাক ভাবী ভাষায় ॥

প্রাণ-পুষ্পঞ্জলী

আমি চাই নিশিদিন আপনারে ভুলি,
রূপ রস গন্ধ দিয়া বুলাইতে ভুলি ।
আমি চাই বিস্থিতির মাঝে হারাইয়া,
অতল সমাধি-গর্ভে যাই তলাইয়া ।
আমি চাই, কি যে চাই কিছু নাহি বুঝি,
মিণিহারা ফণী প্রায় মরিতেছি খুঁজি ।
আমি চাই সুখ দুঃখ আশার অতীত,
কোন্ সে পরম ধন গোপন বিদিত ।
আমি চাই সে কাহারে কেবা সেই জন ।
চক্ষু যারে চিনিবেনা শুধু চেনে মন ॥

আমি চাই শুধু তুমি, তুমি আর আমি,
আমি জীব তুমি শিব সত্যকার মানি ।
আমি চাই তুমি-আমি শুধু সত্য এই,
মায়া মোহময় খেলা আর যত যেই ।
আমি চাই কিছুকেই না করিতে ভয়,
রাগ অমুরাগ আর বিরাগেরে জয় ।
আমি চাই দেখা তব তেয়াগিয়া ছল,
উন্মুখ অসার সুখে হৃদি শতদল ।
আমি চাই শুধু সত্য সে পরম শাস্তি,
বৃথা শত বাঁধনের মরীচিকা ভ্রাস্তি ।

আমি চাই তারে সদা বৈরাগ্যের বাঁশী,
বাজাইছে ধীরে যেবা মৃদু মৃদু হাসি ।
আমি চাই দিরানিশি শুনি সেই গান,
পাদপদ্মে পুষ্পাঞ্জলী দিয়ে মন প্রাণ ॥

সোহাগ

ওরে আমার আঁধার ঘরের
আঁধার প্রাণের আলো ।

ওরে আমার সকল অভাব
সকল বেদন-ভুলানো ধন,
আমার সকল ভালো ।

ওরে আমার নয়ন-ভারা
দু'টী চোখের মণি ।

ওরে আমার বিধির আশীষ,
শণ্টু মণ্টু দু'টী আমার
অতল স্খার খনি ।

ওরে আমার বুক জড়ান
প্রাণ ভুলানো ধন ।

ওরে তোরা দু'টী জনা
আমার কাঙালেরি সোনা
অমূল্য রতন ।

চিত্ত-প্রদীপ

ওরে আমার ভাঙ্গা ঘরের
স্নিগ্ধ চাঁদের আলো !
ওরে আমার অঁধার প্রাণের
অঁধার ঘরের ঘুচিয়ে দেওয়া
সকল অঁধার কালো ।

ওরে আমার শক্তি শাস্তি
সব নিরাশার আশা !
ওরে আমার শাস্ত মধুর
দীপ্তোজল নদীর পুতুল
আমার ভালবাসা ।

ওরে আমার শত জনম
আরাধনার ধন ।
ওরে শুধুই তোদের ত'রে
তোদের তরেই যাহু আমার
বাঁচার প্রয়োজন ।

ওরে আমার গন্ধ ভরা
ফুল শতদল ।
ওরে আমার সকল স্বপ্ন
অমূল্য ধন যিগি রত্ন
আমার প্রাণের বল

চিত্ত-প্রদীপ

ওরে আমার জীবন-পথের
প্রথম উষার আলো ।
ওরে ঘুচিয়ে তোরা অঁধার রাশি
উঠলি ফুটে ছড়িয়ে হাসি
স্নিগ্ধ হতোজ্জল ।

ওরে তোদের বুঝি দিল বিধি
ভুলতে সকল দুখ ।
ওরে আমার সকল চাওয়া
ওরে আমার সকল পাওয়া
আমার সকল সুখ ।

ওরে আমার দু'টা প্রাণের নিধি,
দীর্ঘজীবি করুন বিধি,
নিত্য আমি চাই ।
ওরে জীবন যুদ্ধে জয়ী তোরা
হস্মরে দু'টা ভাই ॥

ওরে সকল আপদ বালাই তোদের
যাক রে দূরে চলে ।
ওরে আমার জোড়া মানিক
আলো করে তোল চারিদিক
তোরাই যুগলে ॥

বন্দনা

হে মহিম ময়ি ! বন্দি তোমায় শীর্ষ আনত করি,
বিকিরিত তব কীর্তি জোছনা দিকদিগন্ত ভরি ।
এ বসুধাতলে বাঙ্ছিত যাহা পাইয়াছ তুমি সব,
তোমার উদার হৃদিমন্দিরে নিত্য মহোৎসব ।
ইন্দিয়া রাণী সন্ধিনী তব সহচরী তব সীতা,
নারী-মহিমার আলোক আলোকে তুমি গো উদ্ভাসিতা ?
খনা লীলাবতী এল কি ফিরিয়া আবার মত'পরি ?
হে মাহময়ি বন্দি তোমায় শীর্ষ আনত করি ।

এ মরুধরায় ওগো দয়াময়ি তুমি সহনীয় কত,
চিত্তের চারু প্রসূন-বিস্তে লতা সম অবনত ।
পতি তব সতি জগত বন্দ্য দ্বিতীয় বাসব প্রায়,
হিমগিরি হতে গৌরবে গুরু হৃদয়ের মহিমায় ।
শত বৈভব সুখ সম্পদ তবু অহমিকা হীন,
নিখিল বিশ্ব বেদনাপুঞ্জ বিগলিত অহুদিন ।
প্রাণ তোমাদের নিশিদিন কাঁদে আত' অনাথে স্মরি,
হে মহিমময়ি বন্দি তোমায় শীর্ষ আনত করি ॥

মনে-মনে

মনে মনে অনেক কিছুই, কল্পনারই স্বর্গ রচা'
মনে মনে অনেকই তো আছে জানা আছে বোঝা ।
মনে মনে নিত্য কত ভাঙ্গা গড়া কতই আশা,
মনে মনে আছে জমা কতই স্নেহ ভালবাসা ।
মনে মনে অনেকে তো আছে আমার অনেক খানি,
মনে মনে আমি ওগো অনেক জানি অনেক জানি ।
মনে মনের ভাবে আমি সদাই যেন ভোর,
মনে মনের নেশায় আমার মরণ পাগল মোর ;
মনে মনে সঙ্কোপনে অঙ্গে কতই দুঃখ ব্যথা,
মনে মনে স্মৃতির স্মৃতির আমার সার্থকতা ।
মনে মনে রচি কতই স্বর্গ সাধের কল্পনা,
মনে মনে মানস-সরে ফুটে অমল জল্পনা

এলে তুমি ফিরে

বুঝি এইবার এইবার
এইবার এলে ।
পরতে পরতে মধু
নিঙাড়িয়া ঢেলে ॥

চিন্তা-প্রদীপ

শত জনমের বৃথা

আলো হাসি গান ।

উজাড়িয়া দিলে আজি

রাশি রাশি দান ॥

এইবার এনে ওগো

না ডাকিতে ধৈয়ে ।

দিকে দিকে মধু ধারা

পড়ে বেয়ে বেয়ে ॥

প্রকাশের ভাষা কোথা

প্রণামের মন্ত্র ।

তব মুখে অঁাখি স্মৃথে

বিমোহিত যন্ত্র ॥

আরো মধু ঢালো বঁধু

আরো মধু ঢালো ।

আবরিত অমানিশা

পূর্ণিমা আলো ॥

নীরবেতে ঢাল-তুমি

মধুমাখা স্মৃথ ।

পলকে পলকে মোর

ভরি যাক্ বুক ।

ধীরে ধীরে ধীরে ধীরে

ফেল মোরে ঘিরে ।

এইবার এনে ওগো

এনে তুমি ফিরে ॥

রইল মাথার স্রাণ

পথ ছেড়ে দাও, পথ ছেড়ে দাও

সঙ্ক্যা আসে ঘনিয়ে ঘোর ।

পথিক মনের আজ গমনের

লগ্ন যেন হয়না ভোর ॥

নাই বা মিলুক পথের সাথী

ঘনিয়ে আস্থক নিবিড় রাতি

গলিয়ে অঁধার বন ।

সবল মনের হয়না বিফল

গমন আয়োজন ॥

গৎ বেছে নাও মাত করানোর

চলায় অমুরাগ ।

যাবার বেলায় হেলায় কে পায়

দরদ মনের রাগ ।

যাই চল যাই পথিক হে ভাই

ভাবনা কোথায় আর কিছু চাই

যাকুনা মানের তরী ।

চলার পথের ঝোলার সাথেই

রইল সকল ভরি ॥

পথ চলে যাও পথ চলে যাও—

বাজিয়ে পদের রণরণি ।

যতই বাজুক ব্যথার বেদন

কাদিয়ে মনের গুণগুনি ॥

চিত্ত-প্রদীপ

মজ্জার রাজার দেশের দেশের
ঢালুক খবর চলার পথের
সালুক রাঙা ফুল ।
নেইকো সময় বাজছে “বিজয়
শঙ্খ” অকুল কুল ॥

মত দলে যাও চরণতলে
সং লোকেই দান ।
পথিক গতিক মনের প্রতীক
ধনের অপমান ॥

বাজল যখন পথের বাঁশী
বিদায় করুণ মধুর হাসি
সাজলো সাধের দেহ ।
তখন আবার ভাবনা ভাবার
রইল কোথায় কেশ ॥

যৎকণেরই যা হবার তা
হবেই হবেই হবেই তো ।
মিছে কেনই মরিস ভেবে
গমন পথের শমন গো ।

আজ শুধু ভাস স্মৃতিসাগরে,
ভিড়ল তরী কুল পাথারে ।
মিলল গানের প্রাণ !
চলার পথের পথিক তোমার
রইল মাথার স্রাণ ॥

সারথি

সৌম্য সারথি হে বল্গা ধর ।
চলিবে মানস-রথ পথের পর ॥
গল্পয় ভরে রবে চল্বার তাল্ ।
স্বল্পই হোকনা সে সঙ্ক্যার কাল্ ॥
গন্দার বায়ু আসি চন্দ্রের সাথ ।
ছন্দেব নাচ গানে করে দেবে মাত ॥
দেখে দেখে পথরেখা গৎ বেছে যাব !
সুন্দর সারথিকে সঙ্গে যে পাব ॥

বল্গা ধর হোর কল্পের কবি !
আজকের অভিযান তব তরে সবি ॥
মাঝ-ভরা পথরেখা মাঝ-হারা রবি ।
কল্পের কায়া যেন গল্পের ছবি ॥
মায়া-ঘেরা ছায়াপথ হাতছানি দিল ।
আজ পথে না চলিলে কবে যাব বল ?
থরে থরে ফুলদার গুলজার বন ।
পথ চলা আজি প্রিয় বড় প্রয়োজন ॥

কল্পার কল ধর চঞ্চল গো ।
বান্চাল্ হবে না ও অঞ্চলে তো ॥
প্রাণ চায় যদি আজ মাঝ দ্বারে যেতে ।
পায়ায় বল্মান কায়ায় পেতে ॥

চিত্ত-প্রদীপ

ক্ষতি কিবা এতে তোর গতি করা ধন ।

বলগার তালে নাচে কল্পের বন ॥

অল্পই হয় যদি লালদার রং ।

• কাজলার বনে পাব বাঞ্ছিত ধন ॥

শ্রীকর কমলে ধর বলগার রশি ।

কি করে ফিরাবে মুখ শরতের শশী ?

বুক যার ছলে ছলে পথ পানে চায় ।

তাহারে বিমুখ করা সাজে মহাশর ?

সুখ-রথে দিব আজি পাড়ি আমি পথ ।

পুলকের ফুলরাশি দলি শত শত ॥

কুলহারা কুল পাবে মূলে থাক তুমি ।

তুলে লও তুলে লও বলগায় চুমি ॥

অপরূপ রূপকথা

মন বঁধু তোর ক্ষণে গুণে মোর

কোন্‌খানে দিন যায় ।

বীণ তারে হায় ভিন্‌ ধারে গায়

তন্‌ মন্‌ দবুজায় ॥

“নন্দন যদি দূর হয় শোন

ছন্দন নাচ বোন ।

গন্ধন ভরা চন্দন যাচে

বন্দন অগুণ ॥

বেগুতে ধেনুতে মাখামাখি কোন্
পেনু পেনু ভাব ভরা ।
যাবে যাবে আজি তাহার দুয়ার
রেণু রেণু করে মরা ।
ওরে খামা তোর মস্তের জোর
ঝরে ঝরে পড়া গান ।
ভরে ভরে ওঠা চিত্তের কানা
মিথোর মায়াদান ॥
ছায়া যেন আজ কায়া হয়ে উঠে
হাওয়ার অগ্রে নাচে ।
পূর্বে যে রেখা দেখেনিকো প্রাণ
এঁকে রাখা মনোমাঝে
মেগে নে রে বর বন্ধুর ঘর
সিকুর পারে হোক ।
কিস্তর শত ডোরে বাঁধা থাক
ছিন্ন তারের যোগ ॥
বারে বারে যাহা ভাঙ্গে আর গড়ে
ছড় ঘায়ে আনাগোণা ।
জানা শোনা তার নাই থাকে যদি
কানাকানি কেন খামা
যেন ঘুম ঘোরে স্বপনের পারে
আকাশের গানে বাসা
আশার নেশায় দিন কেটে যায়
বীণ্ ধারে ভালবাসা ॥

চিত্ত-প্রদীপ

কালো কোথা তোর কল্পনা চোর
ফস্তুর ধারে ঝরে ঝরে ঝরে ঝরে ;
পড়িতেছে অবিরল ॥

পলকে পলকে ও সুধা ঢালেরে
ঝঙ্কারে জাগে মন ।
জরা মরণের হরণ করা সে
কোন্ ওঙ্কার ধন ?
ক্রন্দন আগে বাঁধ অনুরাগে
স্পন্দন ভরা মন ।
ছন্দ যতির গন্ধ গীতির
হবে নন্দন বন ॥

মন-বনে যদি ধন দিল বিধি
মরমের মিলনতা ।
শিরে শিরে তার শুধু বয়ে যাক
অপরূপ রূপকথা ॥

গোত্রহীন

চম্পক কলি তোর কম্পন থামা ।
চঞ্চল অলি মাগে “চুস্বন নামা” ॥
কুণ্ঠিত তনু কেন গুণ্ঠনে ঢাক ।
শুনতে কি পাওনা সুন্দর ডাক ?

কুঞ্জে কুঞ্জে হের মুচ্ছনা কোলে ।
স্বর-চেনা পরীদের অঞ্চল দোলে ॥
ভোলে ভোলে গো ছলনার চাতুরী ।
কল্লোল ভরা গানে গল্বার মাধুরি ॥
চম্পক বনে লাগে চুম্বক টান ।
জম্বকালো রাগিণীর চম্বকানো তান ॥
শোন শোন সাগরের উদার তারা ।
দুধারায় হবে বুঝি পলক হারা ॥
কম্পন থামা ওরে চম্পক বামা ।
নন্দন নেমে আসা ঝঙ্কার নামা ॥
চন্দ-চর্চিত অর্চিত তনু মন ।
তন্ত্রীতে তন্ত্রীতে মুরছায় অমুখণ ॥
স্বর চায় তোমর পায় চম্পক চাঁদ ।
নম্বর আগে তোমর বাঁধ্ বীণ বাঁধ্ ॥

দুই

দুলভ মহিমার ফুলভরা সাজি গো ।
গুণঘায় মুরছায় মন-পাখী আজিও ॥
বাজি ভোর করা চোর ছন্দয় কাঁদছে ।
ক্ষণে ক্ষণে মনে প্রাণে বন্ধনে মারছে ॥
যারা করে গুম্ খন্ ঘুম্ চুম্ সঙ্কায় ।
তন্ত্রার গুণ বোনা ঝঙ্কার স্বর ছায় ॥
পুরোপুরি পুরোভাগ পর্যায় পড়ে না ।
গরজায় ঘন মেঘ বর্ষার ঘোরে না !

চিত্ত-প্রদীপ

দরকার নেই যদি দরকার কেন ?
ভরবার সান দেয় ভরসায় যেন ॥
চরুকার চাক থেকে বার হয় সূতা ।
মরুবার পরে তবে জন্মের কথা ॥
স্বর দেব ঘুরে ঘুরে চুরমার করে ।
পুর্ণিমা রাতে যদি নাহি আস ঘরে ॥

তিন

আঁকি কবির গাথা কোন ছবির পরে ।
থাকি গৃহে অথবা বন-নদীর ধারে ॥
মন-মরুর পথে ওর আকাশ-রথে ।
ধন ধরায় ঢালে নিশি দিবস গতে ॥
শোন্ প্রাণ কানেতে গান গভীর খাতে !
কোন্ ত্রাণ করাতে তান বুনেছে সাথে ॥
ওগো কবি কি গো যোগী, কেবা আমারে কবে ।
সব লেখনী পরে কোন মোহন জপে ॥
প্রাণ উদাসী হাওয়া ঐ সুরের ছাওয়া ।
দান করিছে সদা প্রাণ-পুরের পাওয়া ॥
কোন্ ঋতুর আগে প্রাণ প্রীতিতে জাগে ।
কোন্ সূদূর থেকে গান করিতে ডাকে ॥
হাতে রঙিন তুলি আছে আপনা তুলি ।
যাকে পরম ক্ষণে কোন চরণ ধূলি ॥
ভুল পথে যাই যদি কুল ধরে টান ।
“গুল বনে কাঁটা তাহা মান ওগো মান” ॥

ফুল বোনা বঁধু মোর তুল কোথা তোর ;
পরতে পরতে বাঁধ রাঙা রাখী ডোর ॥
শরতে দরদ সাথে উকি দিয়ে যাও ।
চুপি চুপি বরষের ভরসা সাজাও ॥
সফলতা সুরে তার বাঁধ বার বার ॥
পরম মিলন আনে চরম সময় ।
“মরণ নিকট” যবে গাহ দয়াময় ॥
চাহ তুমি মোরে তাই গাহ নিশিদিন ।
“বিপথে চলিলে বঁধু হয়ে যাব লীন” ॥
নামি নামি এস প্রভু এস আরো কাছে ।
মরতে স্বরগ মধু মিলনের মাঝে ॥

চার

দৌহা বনে যাব আজ
মহাদেব বলি ।
পোহাবেনা সুখ-রাতি
সোহাগেতে অলি ।
মোহ কেন স্নেহ শুধু
দেহ নহে মন ।
পলকে পলকে পাব
নব মধু বন ॥

চিত্ত-প্রদীপ

ক'ব সনে দোহাবলী

মায়া মোহ দলি ।

মীরার গোপাল আসে

স্নেহে প্রেমে গলি ॥

নেমে আসে স্বরগের

সুখ-দ্বার খুলি ।

বারে বারে যুগে যুগে

বুকে লয় তুলি ॥

দোহাবলী লিপি বঁধু

চরণের ছায় ।

পন্ন পুরুষে মন

চায় আজি চায় ॥

মরমে মরমে ভাষা

পরম নিলয় ।

দোহাবলী চরণের

চরণ গিলায় ।

